

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 15.02.2022թ. թիվ 2214221529 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 19 >> 04 2023թ. 7-13- 3624

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Լիանա Արզումանյանի ՄԴ/25711-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավթաշեն վարչական շրջանի Դավթաշեն 2 թաղամասի 39 շենքի 18 բնակարանի բնակիչ Լիանա Արզումանյանը դիմումով հայտնել է, որ իր անվամբ հաշվառված <<BMW>> մակնիշի 89XX808 հաշվառման համարանիշի տրանսպորտային միջոցը 2019 թվականի սկզբին վաճառել է, որից հետո ավտոմոբիլը տեղափոխվել է Ռուսաստանի Դաշնություն: Դիմումատուն հայտնել է նաև, որ 2022 թվականին ստացել է վարչական տույժ նշանակելու մասին որոշում, սակայն իրավախախտում կատարած տրանսպորտային միջոցը իրեն չի պատկանում և խնդրել է ձեռնարկել միջոցներ մեքենան հայտնաբերելու ուղղությամբ:

Դիմումի քննարկման արդյունքում պարզվել է, որ վերը նշված որոշումը ենթակա է բեկանման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Իրավախախտման փաստը հավաստող տեսանյութի ուսումնասիրության արդյունքում պարզ է դառնում, որ իրավախախտում կատարած և Լիանա Արզումանյանի անվամբ հաշվառված տրանսպորտային միջոցների նույնականացումը բացասական արդյունքի է հանգեցրել, մասնավորապես՝ իրավախախտում կատարած տրանսպորտային միջոցը <<BMW>> մակնիշի 09XX808 հաշվառման համարանիշի է, իսկ դիմումատուինը՝ <<BMW>> մակնիշի 89XX808 հաշվառման համարանիշի է, ուստի վերջինիս անվամբ կայացված

Ն.Սարգսյան